

詠
懷
堂
詩
集

詠懷堂詩集

二卷

石巢阮大鍼集之著

南海鄭露公露較

五言古

同白瑕仲石塘湖上行卽望其所居

村煖杏花久門香湖艸初吾愛數來此于君定何
如君言樽中酒斟酌長不疎陶然卧山窗松風開
我書

春日園居程搏仲錢豹叔衡之兄前之弟夜

集

春風解沉冥，霄心難與昧。騁望感有餘，靜審意彌會。
林暄香詎弱，禽適語方泰。同心旣偕集，清論亦旋沛。
杯旨泛寥廓，燈英播芳靄。淹坐遂忘疲，孤鐘肅靈籟。
敬此良夜娛，達生理無外。

初春類若齡自山中來邀吳幼玉社長大都山人戴德充觴咏

春雲能有情，流英照園圃。二子行藥來，相延散林步。
遂令曲徑蘿挂彼，高峰霧刻豁。發遺興，延陵洞。

音數天運誠悠悠達生貴能樹盤礴意有得沉冥
理非誤初葉一禽囀輕颺數花驚啣觴此何云籬
山青已寤

春夕雷雨大作曉霽枕上口占呈 茲園大
人

春宵盛雷雨林卧憺忘喧嗒焉形神交塵慮安得
援踵息未易固山夢猶然繁所歷舉非故殊別桃
花源整策追孤霞秋烟開一村藥香旣連畹蘆葉
時隱門轉步達清溪溪古趣彌敦聊就苔泉濯復

聆松風翻山月宛能來照見石上樽不速二三老
依依道寒溫覺頃已聞鐘未畢漁樵言展轉遂亭
午白日麗前軒起循池上步池水閒心魂綠光若
微演岼艸增春痕花葉沐呂齊晴鳥紛我園竚立
始有悟任運良可尊逝者固如斯轉盼何足論明
晦復何餘寤寐無一存願言禮松喬宵守天地根
春霽聞若齡將入豹嶺咏此訂次月偕幼玉

往遊

春山紛睇笑列景給遊衍嘉子獨往意恬然謝矜

勉及時課耕種餘力肆諷撰穆穆秉弘尚趣伸跡
彌卷余方守塵巷庭圃瀟微善所未辟梁穀志氣
何繇展戾至鷄庚鳴村溪杏花暖此當追高煙良
話詎令簡

春初述懷寄方無念首聯卽雪際得無念書
夢中句也

積雪照巖戶讀君寒歲書倏忽節遂更梅閒羅我
居未蝶香已展將鶯葉方初游氣冒澤霧苔沫激
晴渠情生固吝勞候盡安所餘斟酌春風中我懷

詠懷堂詩

卷之二

三

益呂愚雨至謹山約田園念當鋤此事治便已不
復思畋漁悠悠此窮年焉知盈與虛八公秀春雲
雞犬無敢嬉云有無念子天花漾精廬平等山色
在靈異鐘音殊廣月被江淮千里流瀟疎向茲印
遙心同異將焉如

看杏花宿瑕仲山館微雨

雞鳴杏花中識君深隱處山青與托隣艸碧自成
路炊煙亦何閒小酌就花樹辨葉斂傷眺因香縱
恬步湖風弄微寒果兆夜來雨蕭蕭春竹鳴高館

更成趣移燈詣山窗茲遊吾已屢畱興及三秋天
香飲華露

仲春過訪方仁植同年廬居曰游南浮奇懷
野同先生

春岫羅鮮雲朝暮表空翠嘉遁於焉托靈貺傳聞
異來此屆芳月入林踵香意伊人抱先疇白華自
躬被仁智秉遺則艸木衍閒侍時聞歸鶴響莫制
臯魚淚盼柯意長餘褰芳旨兼備開情向前浦浦
暄綠已遂渚嶼乍開合篠石互爭避想見花蒲時

琴樽各臻媚濯纓感洪源高山獻長喟

與左又鐸飲花下

與君酌未已花葉旋成故此理定何違小飲彌有
悟所慮芳樽空斟酌難爲趣臨水悅空影曰風察
香路愴然賦新詩盡此林山暮

程蓋臣以天都遊記見示賦此

天都萬古峰從君標腕相結撰聊見心高深甚殊
狀肯定星潭瑩興展風榛壯石髮吐華月藥芳蔽
雲養余方畫荒籬耳目謝靈貺遵烟憐鳥凡縱沼

晒魚晏三復刷胸顏奉情入霞上警蘿若開笑追
香宛迷杖道存靡迭趣意至有餘况喧鶩屏塵慮
端嘿簪游尚兀然吐長謠清絃禮禽向

蓋臣擬爲余刺詩述懷以謝

晏息向竹房耳目憺無侮林花覺我閒紛紛下庭
戶霽心與定氣馮之酌終古自昔邈何獲在我恬
有取人謀實未饒叔季矧多扈宙合府一雲朝昏
瀉千雨正則固何云微言孰辭怒彌天蟲豸知至
矣荆榛堵願言謝桔槔山髡漑寒圃蓮社無畱煙

溪田洞遺矩潭心靜月開峰首孤雲舞刁刁
咎鵬風智力將焉賈

憶李烟客林六長寓天寧寺

蘿雨靜可數閭巷如空山念君蕭寺中焚香終日
閒聞鐘結旅夢攬鏡咨塵顏野水濯青菰罕魚何
以殮晦色不連暮素月光可攀霽心托孤琴爲君
開潺湲

雨中喜羣賢集十賚閣會文

榮木給靈雨衆綠交有聲斟酌一氣中可以知文

情拳勺屑海嶽爰象排空明艸木負本性日月裔
飛英感之不令持孰謂非我誠雲龍滿虛谷咏賞
難爲名花葉春煙和石瀨秋泉清長謠達松風茲
賚何可輕

吸江樓爲林六長謠賦

余昔涉閩江孤舟涼夜永溪煙閉蘿葛疎星墮簞
簞去此垂廿年迴思神魄警之子彼土秀結廬攝
清景雲嵐入吐納風泉交眎聽春汲山鬼俱睨笑
文魚領陶公亦有言夫我愛其靜何復事遠游苔

花蔽寒井鍾阜看孤雲鄉夢誰能屏夢中江月斜
閒猿叫秋嶺

送吳元起應試白下

弱齡貴意氣吐吸青雲端與君先子交味比清秋
蘭中路忽捐背喟焉悽心肝柳宅旣寥落秣疇亦
摧殘三子讀其書菁菁如琅玕仲復邁儼伋汙邪
匪所干旦夕乘雲浮此豈才者難一釋藜與藿再
被綺與紈何以奮平生而酌吸喋冠高枝饒疾風
陸海多在瀾還期善翱翔無臻弋者歡舟楫在江

臯抱琴向子彈勗之敬言話申以長加殮帆張曲
未終東去如飛翰

泊青谿東銅陵崔明府

秋江閒可涉露盛香未已枉渚旣寥目繁葦亦因
沚沿波弄逸棹采采向誰是循藻審魚樂聞歌簪
纓理青山列遙岼月下絃聲起屣逝琴且荒重觀
茲邦美江村植豐菊山厖刈餘黍服義絕訟萌歸
仁集遐趾令譽崇笙簧嘉言備芳醴何藉龐參軍
從君自茲始

泊采石遲郭侍郎金谿不至感憶

孤舫倚山翠木葉靜可數微風入清夜海月漸遙
舉佳人隱秋花琴樽暱何許幽禽響高樹恬魚擊
寒渚所得良自然異患復何悔開烟無弱帆蹈藥
見貞履懷哉終古人智仁洵胥取

再同周公穆張損之劉爾敬耑玉家衡之兄
登采石山寺廣濟閣

客次理清娛懷情赴霞上耳目馮象泯雲天盡簷
向空翠感微息定覽啓殊狀葉竝遠帆驚鳥習天

花漾山樽給永日清言副靈貺信美土非邈沉冥
旨何妄磴礪遂忘暝江烟響歸唱夢覺聞秋獮孤
舟若青嶂

九日霽後同李煙客梁非馨朱白石汪遺民
吳栗仲田衛公何丕承方聖羽王禹開方
爾止密之集李玄素通侯松筠閣共用遠
字

幕府秉冲規佳辰集瑤琬俗名豈虛愛正冠事遐
縑清論紹涼雨森林若危巘羣益旣延逕陳芳亦

充皖遂使短襦人不復顧牛飯貫月矚高戟遵霞
踐華憶洵知絲竹安力策盤匱寒孤蟲吐深花閒
魚擊澄堰向夜理幽桐清商爲君遠

謝吳明府閣生餉菊舟中

陶令盍云邁高風長在茲清尚君更遠蕭然客江
湄旅舍罕炊煙盡室良苦饑念我滯孤舟恬以香
露遺密葉旣垂盞繁英亦啣枝秋雲映水窗青山
對支頤閒寂自可樂搖落誠何悲回嫌籬間雞
犬還我追

喜李煙客同舟往眺三山回東潘木公

孤懷對江峰支頤憺忘語陰霞乍興沒風葉落無
禦葭莢極遐矚鳥歸識何處廣除吐遙月意爲情
人舉水白導魚路煙青飲鴻渚欣子期適來開琴
展良緒嶺猿卽棲葉海樹若吟嶼曲罷江轉青秋
花列楚楚三山整烟磴中清湛芳醕勝情余旣饒
尚會矧多侶

阻風望燕子磯不得往同烱客爾敬公穆孺
韜慧玉損之賦

海氣感川薄涼風歎焉起孤舟寄若鷺羣籟亂于
雨客心彌以恬吟賞自茲始奇嶼點空碧風濤限
遑止遙葉響清猿清漪閣殘芷眺聽與誰格論諠
亦咸旨物遣悟觴聖神和兆琴美悠哉懷昔賢達
生復何理

東姜儀真如農

秋峰立何遠清吹起寒木空碧豈限慮澄瀛載延
目琴聲沸江路孤舟念明牧譽竝之杲峻澤向東
溟縮潔性見麇魚仁心傳枹犢場馨禾黍盛人豐

桑棗熟古堰無殘笥遙煙靚平屋菜蕪詎虛僂單
父愜私淑江淮此襟邑安危若旋轂蒲壁籍嘉猷
用介邦民福擊汰滄浪千纓歌爲三復

送吳孝廉修能北上

峨峨天子都雲端表空翠日月瀑源湧雷雨中峰
肆紫芝摘還長玄猿嘯殊異君家代居此窮年探
靈閼隱几閱候變徙藥簪泉自玉女攬花笑霄鶴
窺烟至壁坼青霞開琅琅辨仙字勝情若未饜江
天跡遐寄川氣映簾動水花切窗侍雪響廣陵濤

香巢竹西吹眇聽意何適智仁理咸備抱膝吟已
溪盱衡志當遂河暄冰未兆堤秋柳仍媚霽日照
洪波征帆若雲驥諷諫追羽獵訐謨策安治金門
視瑤臺大隱旨非二及春整遊鑣宮鸞爲君醉

喜孟元白見訪曰坐湛閣論詩

孤舟聞吹葉客感彌以繁卧起入星露雜籟連朝
昏靜者復奚自遙琴開我魂山翠襟下吐妙香亦
敷論家云鄰漣湖中歲遊夷門嵩雲覆旅夢芳曉
綿鄉園所挾豈區區自哂無一存秋潭演寒碧靜

浴三山根視聽此交愚
天海將何言與子露危願
敬此終日樽齋心禮川嶽
望古懷所尊陰霞歛浮渚
圓月逗層軒惻惻念蘆中
野雀安可喧

已戒三山帆風逆還泊鑾江
招杜退思入舟
觴咏

三山蹇予情逸棹已晨理
風水晒迴互還摘荒洲芷
微月吐遙岸空外飛鴻止
雙樹流湘煙旅情念吾子
明燈黃葉下寄夢疎鐘裏
霜篠惑淡夕涼吹渺然起
伐魚就沙埠菊逝酒仍美
孤舟自可尋琴

聲汎星水

迴舟風日甚美與諸君子飲酒賦詩都忘客

感矣

方舟肆游衍靜見寒江心
霽景旣浮嶼孤烟亦懷
林良颺勝波來悠悠感我襟
諸子具瓊枝話言若
開琴遂永舟次酌閒矚川上
岑葭莢乍虧蔽鷗鷺
時飛吟爲適無復餘懷古何必淡

繇天開巖歷諸勝登攝山頂還宿恒覺方丈
石路淨無塵昨夜况微雨氣與山雲霽
響悅松禽

廬勝具固所尅澹慮饒有取礪暄芳詎歌中晦翠
恒普旣就廣蘿蔭亦漱寒泉乳此興各未夷更爲
高峰賈懷音達鐘界飲光坐霞廡烟定羣峰開林
缺江帆舞遂覺性情逸彌惻塵襟苦無言儔法王
諸天盍予侮歸彈石上琴月華應絃吐

攝山東峰石上坐月

竹路亦何白涼月燦東嶺客心感佳夕遊咏孰能
屏危步歷禽上清言滿松聽泉幽滴春脉林貞抱
秋影澄鮮入何際空明轉遺境微風拂露花石上

苔彌淨身心化寒碧沉冥不知省
賴聞霜下鐘山蘿動微警

宿方大方山館

塵居苦物役諾向青山必霞外
詎有方區中誓當紉遂禮孤峰雲
便造幽人室花藥性所殺詩書道
終吉裁裳濫碧蘿註經寶丹漆堦
前虎跡馴石際羊聲叱靜夜無端
倪高論恣回滴豈徒暫遊衍托志
于焉畢清境未可淹又共山雲出
迴眎笑言中人與翠微一

采蓮曲江微雨晚霽同茲園大人長子叔前
之弟洎諸詞客賦

嘉會屬羣彥撰酌非所任將肆塵外遊以夷終古
心肅舲泛江浦浦曲花路淡枉渚衆香鶯垂景廣
霞沉采采畏花疎靜意誰能淫微雨川上來忽忽
滋重襟萬象歛霽夕圓月逗孤岑文魚負我舟蘭
芷充我簪宓妃顧我嘻馮夷鼓且斟釋此不臻懽
晚晚將來侵沉冥豈絕躅高陽遵故林擊汰卉澄
鮮廻芳怡所欽昔賢何爲哉喟然涉江吟

送宋鍾南計部歸楚

秋蘭行作花君歸理荒畹孤舟去若翔青山夢俱
遠余同濩落情跡向滄洲偃截潦安魚梁迎晨進
牛飯狂歌入谷深遐情自厓返何以肆娛悅高雲
閣危巘鬱鬱澗底松柯條畢淹蹇貞此霜雪姿聊
當卻晚晚青陽自代除東園謝芳婉

答吳太史天石見訊并訂天都之遊

遙望天都峰峰高雲木秀嵐翠終古凝芝英四時
茂寶鼎煉金光神臯泄所守余友謝塵纓遙駕茲

焉逗遺身翺鶴路結廬抗霞首近遠風中泉朝暮
簷間岫曆遯羲和則藥補神農漏厨粳賤椒蘭山
香貞橘柚遐念蘆中人音旨各相繆江氓亦何營
固竊守耕耨飯牛遵若時分蜂謹其候採薪樂育
員緯蕭則安陋誰甘負鼎譏濡彼在梁味枯樹復
誰感問天理常謬秋山蓄烟霜褰裳誓相就從君
拆瓊枝雲車以先後睇笑逼真靈行藏擾華宿雲
梯檜枯扶山響林筵奏媚月整清絃欣泉理閒漱
返景懸圃來若華頰初晝松喬既可要瑤象亦紛

遙高斟北斗漿一奉軒皇壽

讀顏若齡種秫齋詩卽贈

若齡玄對人霞上結修軌道開巖壑昌跡謝簪纓
滓其身卽貞松清飈言下是詩書肆愉悅意至亦
秉耜任運趣彌超觀生吉所止秋嶺綿鮮雲春湖
散芳芷開樽吐長謠思君應若爾

秋夜宿白瑕仲山館

涼風動庭樹離居軫宵旦采蓂此何時奉芳畢遐
眷吾友考槃人衡門若河漢象緯關睢笑艸木感

冲菴湖光澄遠心峰霞蔭華撰歡余擘結情輟經
事游衍剝棗就荒籬登魚理芳醪詎違飪織常一
謝簪纓患露下秋蟲鳴閒宵閱吹萬寄夢向山窗
身心竊餘善

方爾止見訪感舊

蘭蒨三十年與君先子好峻義干青雲英詞惜芳
艸屢獻北闕書歸種南山稻次第謁承明雲龍感
天造喆人萎昭世子亦墮輿阜音塵若在夢江海
歎長浩之子美何度英立洵國寶身固瓊華枝氣

詠懷堂詩

卷之二

十五

則江山藻好我終古心示以周行道翔益下蓬蘽
疏榮與梨棗黃虞事敏求蟲魚亦淡討宛在寒蘭
居故人述遐抱亭亭秋月閒瀼瀼露花皓清醑陳
枯魚鼓鐘爲君考日月收羣星谷王備行潦勉矣
庶殆隣鼎實誓相保

方肅之自天都還畫谿以書見訊賦答

危坐若垂釣此語夙所美涼雨秋燈中顧影居然
是獨持寒竹心靜審啼蟲旨劃然天都雲廣蔭而
遐峙鮮意感枯夢高情破荒視于焉獲我性亦旣

兄吾子陶陶永一樽長謠報芳芷遂覺尺素煩加餐托雙鯉

秋夕遲友人不至

塵居忍違俗蒙慮如荒萊安得弄秋霞濯濯曾顏開懿此籬下花幽香亂我醅啣觴復鳴琴高興誰能裁剝啄蟲聲間僮穉諳無猜此情正可同梁月爲君迴

秋夕同若齡公穆衡之兄前之弟集正之弟

水亭月下

詠懷堂詩

卷之二

十一

人閒豁幽興。月色亦更新。欣無外事牽。易我樽中
醇。衆艸悅柔露。蟲響羣來陳。繁柯歛倦鳥。水霧升
恬鱗。此夕夫何如。不樂思誰因。達侶各能齊。古歡
斯偕臻。觴咏甚有得。陶陶嗤天民。千古奚逝哉。而
珍豁間綸。

再同若齡集正之水亭遲紉玉不至

秋風吹野心。曠然覽川陸。澄波涵夕陰。返景耀深
谷。鳥下輕霞驚。觴處孤花肅。佳人期未來。碧雲隱
修竹。蘿篠各自媚。琴樽意俱穆。賴此林月佳。延輝

破幽獨

答潘木公

遙月江上來見子顏色好林外立秋峰是亦余懷
抱同心而離居相安異何道徑絕風雲通壹志于
文藻朝華匪所居榮木感將老茲文幸不渝微軀
誓相保霜中鴻雁飛江海思彌浩流聲東去雲鼓
鐘爲遐考蓄此杲杲心三山摘春艸

答錢密緯

撫此離下酌芳意晚而靜陶然遂移夕素月抱高

詠懷堂詩

卷之二

十七

嶺虛寂迫遐思空明閱真境佳人隔江臯菰蘼澹
秋影情來華露滋語際霜星耿余方偃舊厓齋心
漱苔井曲阿春烟翔旅翮爲君整

秋山霽夕同胡衷朴白瑕仲方聖則月下酌
感賦

懷情欲誰喻眎此中林月霜空氛以清山霽輝如
發園列肅澄景蘿篠響寒汲故人二三子共我照
華髮啣觴百感盈開琴素襟洽靜體卽繼岑浩論
失溟渤悠悠尋古歡食此蓬蒿力兕虎復何之風

圖久蕪沒慎此露中行
鸛野媚陳蕨

鳩嶺遲潘次魯不至

山雲靜吐輝
流英照中野
持情復何向
偃曝爍扉
下獲餘禾稊
繁可以瞻
罇竿開逕
款親益漁樵
亦來社
獨有同心人
煙霜格車馬
暘雀定不喧
菊香澹盈把
使我對寒月
孤琴爲君寫

山堂初度呈朱岫翁夫子

本無偕俗姿
初服乃成適
林肅以徵秋
月廣是知
沙達生何必
觀愴忘覽揆
夕籬花表孤
英露葵給

詠懷堂詩

卷之二
十八

寒摘動植具備會語嘿各來益區區
哂昔人悲涼
撰頭責

從鳩嶺至龍山赴宗白上人平等蘭若晤言之約

野性亦何獲林外前山影
寒煙磬鳥路排虛達
嶺同心二三子先期候
蘿逕巖扉悵獨寤風泉羨
孤聽舒趣雲霞末洗心
鐘梵永旣肆招隱情彌引
高丘領使我懨離居閒琴爲君整

山居懷汪以玉

摘葉臥荒煙心神自修特霽景抱榮木鳴聲響餘
穡遙憶同心人江雲事閒即逍遙吐鳳歌沉冥勗
龍德先民道未汗敦悅力所克佩颺蘭蕙芬室捲
蓬蒿色豈徒恬寤寐方將瞻鱗翼華鯨狎海情怒
鵬負風力秋駕亦云然於君復誰抑

寄懷王徵君化卿註易桐中期以春晤

野懷澹無向高矚肆霞外窈窕寒山色遠近風榛
籟任運跡彌伸招隱思俱泰貞吉慕伊人龍眠臥
蒼靄冲意眷泉石忍力謝喧繪陋注中古書洞啓

詠懷堂詩

卷之二

十九

先民昧白首猶聚螢紫芝取充糲山空夜雨霜耿
耿星辰大整襪拾谿步迴臚擊寒汰石路悵停策
春洲乘當沛女蘿曳煙裳巖琴寫幽慨蓄此芳蘭
心逍遙撰良會

冬旭偶過若齡江亭幼玉烈卿紫瀾亦至觴
咏終日欣賦斯作

景氣含蕭遠遐心念川陸役形一室間彌歎塵襟
感伊人秉奇懷高館抗霞服江廣日華驚烟盡峰
情肅興至忍自岐相從解憂獨羣賢各各會歡言

理邁軸秋蘭串芳咏荒洲攝恬目闊帆思無倪審
釣理恒淑所未窮夕佳遙鐘限城隩素雪當寒翔
抱琴誓來宿

從石門湖汎舟至百子山別業同璩山甫顏
若齡賦

山澤招予情蕭晨肆無歇邛友胥同戒扁舟旦超
忽趣與遐峰眷棹向朝暎撥閒漁響各臻暄鳬意
逾伐初至惑雲壁轉步辨墟樾循葉懼谿盡標炯
識林闕傾壺欄竹下述興高陽末延賞輒迷端清

言
論詎宜訥出谷值歸鳥還艫演華月在渚殫廻互
陰霞觀興沒共此寒歲歡吾生悟恒達

寄曹元甫

屏居向田野異境誰能干耳目罕妄營志意亦以
安置酒發浩歌追我平生歡遵養嘉若人靜體如
秋蘭殖芳露晬中栖興天雲端夢外理幽築璜處
辭塵竿北風晨夕來江海稜稜寒願保貞松姿爲
加白石食芳艸釋春水旅翮炤洲寬誓將戒方舟
從君相游盤

郊居窗中同程搏仲錢豹叔觀道上行人

土室納朝暾理恒意逾肆偶影步簷外川原入寒
眎悠悠古道塵車馬共紛囂中夜已云然日入猶
未旣役形霜露中豈不感劬瘁世路固胥營馮生
亦殊智余情彌未閒汲汲理幽事種藥懼畹荒採
薪恥林匱魚梁軫其積雞埒敝當治烟深禽甚聒
蘿淺月難邃樽香寂何聞對君起長喟

雪中陳潛山蝶菴見枉賦答

峨眉饒古雪積素通萬里高從天柱颺光照中江

詠懷堂詩

卷之二
三十一

水衆象旣以輝纖塵復何滓迎暄弄華色蓄澗流
春雨陳侯天壤英爲政亦如此余方息微躬霜疇
守寒耜高軒聞見過榛萊蔚焉起一感羅雀心爭
鳴若臻喜何時侍清絃寓目春風美更濯吳塘纓
長歌醉香芷

早春懷計無否張損之

東風善羣物候至理無違艸木競故榮鴻雁懷長
飛二子歲寒儔睇笑屢回依殊察天運乖靡疑吾
道非鑿冰弄還櫟春臯誓來歸茲晨當首途遙遙

念容輝園鳥音初開籬山青且微山烟日以和及
時應采薇古人無復延古意誰能希

送王方伯梅和督運行便道覲省

擊汰向春江江煙漾笈簪甸色衍芳意纓歌感遐
聽閒眺白雲上晴雪冠高嶺爲政于此間俛仰亦
何靜山花蒙鳥路軒琴達狷境護楮屆行役征帆
念當整靡監洵所尅後樂誰能屏弭節展潘輿南
薰日初永親好亦來過陶然殫觴咏田龍徯利澤
練馬曳清影誓當及秋期雲旌建華省廣霞蔭石

戶遙泉濡苔井重慰山阿岷腰臘炊煙冷

同聖羽元起价人五一四蘇不迷肅應慧玉
損之集園觴咏

林煙日以和衆鳥天機鳴澤氣若蠕動瘁物亦懷
榮觀化有殊候給賞無孤英恬居巖戶間野酌時
自傾青蘿乍開合羣益爲我盈良話擬春風悠然
述平生情至趣仍默理達物逾輕無言指芳艸日
夕靜自萌風榛空外流山翠籬端明願言共閒觴
釋此何復營

園居詩 有引

偶影空園欣慨交集感此榮木冉冉懼老
遂招同好勵意長往已念南陔斯在而谿
刺自處殊乖昔賢任運之旨復賦此詩標
舉興尚敦告朋疇焉

息影入春烟形釋神亦愉外夢疇能于此境漸
愚偃坦遂交旦林禽聲已俱感此耳目前理勝木
可渝樂志豈在多遠游將恐拘僮穉覘我興薄陳
漱與舖畢此就簷暄聊用曝我軀

其二

卧起春風中百情咸有觸偶立聞空香緩步歷潛
綠蟲豸亦懷暄云動徇所欲余方守故情女蘿咏
巖曲時復釋道書高亭事遙矚悠然江上峰無心
入恬目誰能忍此懷弗爲羣賢告

述懷

春風蕩繁圃孰物能自持人居形氣中何得不因
之情逐舞花亂墜隨鳴鳥滋循此遂百年我心誠
傷悲希古良有獲元化亦可窺試策追高霞濯影

清江濳曳曳空山蘿豈不寒與饑聊用違所伐亦
自拯其卑率此孤雲心悅是貞松姿世人或相笑
余情終不移

其二

花鳥及時羣方春爭一候景氣良有諧靜默盍爲
守車馬驚芳月琴瑟展清晝意至境無餘所歷宛
非舊鵲鳩臻悲鳴荆榛亦旋茂徘徊婉與嬾美服
誓誰就亦有丘園士感此若懷庾幸已謝榮肥遺
身入孤陋村中杏花繁籬外春山秀及此土脉和

渠渠理耕耨

讀陶公詩偶舉大意似聖羽价人五一慧玉
有論

靖節詩蕭機玄尚直欲舉大風栢梁短歌
公宴漢魏間雄武之氣一掃而空之以登
于考槃北門之什似離騷歌辨亦在然疑
出入中也至齊梁三唐彼何知有此世代
而區區謂其簡澹有以相勝此後人弗論
世而管蠡柴桑者矣乃易世而有輞川太

祝京兆三子者又能變化以廣其意令從
陶入三百功力倍取資博而意象更覺日
新則後起羣賢不可不勉也

迢迢漢魏季陶公生其間義恥食宋粟投紱歸舊
山日飲籬下酒坐看飛鳥還托跡類沮溺希志惟
孔顏力革雄武風和鳴擬關關華月耀清流素雪
標晴巒慮靜理復深大雅賴以班斯文去千載微
言何繇攀多謝王與儲餘聲猶潏潏京兆負潔姿
靡襍強自刪余復後數子步趨益孔艱三復考槃

詩鐘鏞無敢喧咏已望柴桑天雲將何言

郊居禱興

郊館亦何豫懷此青山影孤春響花樹閒汲藉苔
井耳目克自絲物役始知省艸溪汨牛路松晴曙
禽境恬行春野中四矚雲光靜惟覺和歌聲農喧
未能屏

其二

徇物固溺志絕俗亦近名何如井里間努力籌桑
耕春淡花藥香氣暖倉鷄鳴蓐食起負鋤自向田

問行人。生衣食交疇。復無一營田祖。未可要悠悠。
風雨情豐穰。縱安希聊以畢吾誠。

其三

野綠何茫茫。莫辨行人路。我居向山曲。艸樹復糾
互。辟穀恥未能。炊煙時一露。遂引同心來。琴書展
情愔。惻眎城市間。攘攘頓成悞。綠香蒲水壯。清吹
松風驚。于此話桑麻。坐閱春山暮。夷猶詎忍分。茗
糜聊已具。

其四

蘿葛翳山窗夢境亦沉邃覺聞松際禽始悟晨峰
翠是時力作人起治田中事感彼力能勤吾生理
恒遂旣念黍苗深和澤久仍闕蹉跎違土膏輾轉
動長喟賴此中林鳩交鳴慰予意溝塍導潛脉樵
蘇徙暄地風涼雲已卑南湖雨當至

春夜野館獨飲有懷前之弟讀書松閣

向夜山氣流春艸飲繁露聞此燈下心感彼蟲
驚卽境固無欣淡酌漸開趣思君晝諷暇松園展
恬步偶聆乳禽鳴時與落花遇和澤幸已稠郊原

綠咸嫫何當擊琴樽薄訊靡蕪路

曹梁甫過訪因談望中龍山之勝

遠游洵匪尅塵務恥所營遵時自飯牛努力原上
畊蒲杏候何愆屆夏苗已深乘閒坐新樹悅此黃
鳥鳴是時朋亦來切展平生情中野略周旋柳下
陳班荆春醪釀已綠持向巖戶傾藤花次第飛田
水參差明悠然至頽陽聊觀世上名

其二

夙愛龍山秀結室翠微裏種藥不知名採薇念茲

始君抱玄暉情舍爾青山美巾車過其間睇笑亦
依此雨餘百艸香雲播千峰詭何當偕素心來問
巢居子

松閣仝搏仲損之衡之兄夜坐臥聞風雨賦
此

山氣生夜涼蕭機革塵侮明燈艸蟲次彌覺清言
撫倦至歇琴樽支枕向終古夢路復何寂迨覺聞
風雨竹戶竟如晦松聲遂交武幸慰東作期歡歌
動塋圃時暮友朋珍代降農桑愈悠哉白雲心絲

來幾人取

雨霽晨起展誦友人至

野卧獲自便申申復何慮松涼潛入夢蚤覺未當
曙不知林雨收微悟山禽語是時力作儔蓐食向
田去竹光漸浮動簷戶各森著予復何所爲澄襟
展書疏性情理彌獲艸木旨咸預晒無干祿能悅
心聊可庶

同徐雲仍張損之絲郊居至佛嶺田舍飯

息影偃郊扉塵欺未能屏志氣復不怡幽栖興彌

耿燦燦堯時天白雲挂高嶺遂招禽向儔迢遙越
農境繰車響疎竹笥梁演繁荇林音鳥何鶩山氣
綠初靜始悟耳目前忘機卽箕穎聊就田家飯餘
暄漱苔井悠然山鐘來谿步更偕整

絲佛嶺至龍泉菴旋憩石巢

石路交初榮櫻篁綠已衆循此達蓮界漸覺天花
縱古壑寓聲聞諸峰侍云動空翠如有人香端轉
孤誦松屑薄作炊薜陰更閑夢四大忽焉無給此
清機用

宿石巢晨起

山夢自難繁
嵐翠警空想
卽此寓覺回
矧復風泉響
噉噉聞清猿
流音動雲莽
始悟夜來身
卧此千峰上
展轉至高旭
巖戶納虛朗
艸露氣象浮
爲疑碧岑長

溪亭

石瀨何濺濺
朝昏破青靄
云去龍居近
能使川雲大
初至趣如失
稍定理徐會
礪藥襍飲香
風篁漸交簾
靜覺物象繁
自負逸民泰
輕衣懼谿晏
轉屨

值烟沛境絕俗已殊林靈鳥仍昧數峰爾何心蒼
蒼立簷外

從石巢至平等菴宿

真隱亦何佳寬然良白足寫性與澄潭等身若羣
木兀兀無一營稱心進茗粥遂與僮穉諳相呼共
嬉逐飛土射松彪撥苔探谿族凡響哂鐘梵方言
亂樵牧隔峰聽猿聲泠泠度深竹憶茲境當殊遂
就白雲宿繁禽旣展林素烟亦翔屋于此洵所愜
在彼念非賣野興固無恒聊當謝寒燠

夜聽平等巖下雨

青林艸木糾氣盛自爲雨向夜稟山蒸其用遂能
普清響入空際蕭機感靈府旣念肅聲聞彌希暢
田圃苗深澤猶悶枯槁欲何取所恃天仁垂予遺
饒所憫滂沱以終朝霑潤及高土凡我栖林禽願
作商羊舞

平等菴竹下壽徐雲仍四十初度

修竹綠千竿長畱萬古月况復切雲巖妙香時一
發卧君于此間白石煑薇蕨松栝引清夢雲霞照

玄髮祝君再四十步履更超越耳長眉至願其健
如山骨余亦策靈壽相從結谿襪羞稱曼倩生蟻
根拾殘核

雨中遲宗白不至

近有溯江魚傳君泊采石錫越雨花香帆挂天門
碧遂先杯渡期攀烟弄輕策旣安青翠身還念遠
游客時見故年松新條忽盈尺林下苔逾軟窓間
雲未釋衆鳥鳴施臺山鬼伺花隙相遲寧弗來奈
此風雨夕

山中五日懷次魯客江上

與子靜相見閒雲及芳艸兼此松際月時向潭中
杲想子江上心應懷薇蕨好楚些激靈波離思更
難稿雨止山青聞泉聲喧一道烟駕念當來巖花
落恒掃蘭芳彌話言靈谿澹何討

贈種茶僧輝虛

上人住高峰眉端凝古雪種茶了一生經綸入萌
蘖徒衆各承習遠近甚傳說斯知一念深于義亦
超絕餘力墾山園蔬藥宛成列編荆限鹿羣揮鋤

避蟲穴無事鍵巖扉兀然安蹇拙衣食旣麤足儔輩每和悅循茲畢天年于君覩明詰

山中憶瑕仲子卿价人五一應試秋浦

明月江上來照我山中扉虛白亂潭影荇藻交澄輝徘徊于此間感歎焉可稀遂彈石上琴中夜流清徽栖禽響深竹露蟲鳴且微願托松下風吹君秋浦衣九子青霞開能靈芳艸機玉笛弄江煙文魚聽以飛酒碧菖蒲香酌之願無違

暑月園居偶成

喬木結清陰端居若深峴涼風北牖來當暑趣彌
善遂釋手中書枕簟聊一展任運已忘心夢覺復
何辨堦前白日移林外鳥聲囀坐起眎琴樽意至
惟所撰詎屑方世人直覺巢繇淺

鄭公露從嶺南相訪感賦

窮巷若層岑跡罕境當邃庭櫺宛已秋况乃清商
至客胥宋玉儔海珠抱奇字云從獠蛋居更與山
都戲樂是陬隅謠避此螻蛄地萬里就蘆中吟觴
藉相媚江邨黍已香菱蛤亦堪刺對酒復何嘆盡

此林山翠夕月念當佳開琴禮松吹

園居池陽李司理長度見訪兼惠以詩稿

門閒未交夕艸際百蟲吟檐間挂高柳床上橫孤
琴野風時一來悠然吹我襟炎曦被廣衢緇塵貫
華簪感彼啍啍車稅予嘉樹林冰雪開話言茗粥
未及斟世人競樵蘇古誼多不尋長跼受琅函服
義良已溪習習蘭杜香寥寥韶濩音三復松窗中
庶觀君子心

其二

一官寄秋水海汐復江烟小艸卽奇樹五斗如璣
璇何陋五指苗來觀九子蓮青峰隸朝閣碧月迎
夜絃自云食鮮魚何如跼飛鳶一郡絕訟氓歸種
春村田長日枕丹經高松眠晏然及其當讞詞灑
灑鳴春泉豚魚亦咸孚椽曹無敢先采采涉秋浦
浦花繁且妍香露漸幽幽纓歌爲君賢

園中止水宗白過訪

端居閑秋序高樹閒柴門意象日疎豁始知微尚
尊偶看耕稼書如笑漁樵言法侶覘我暇步履到

我園林蟬靜自聒山鳥閒來翻衣聞蓮露香飯啜
菰米溫曙義徹雲霞緒言襍寒暄月色凡幾皎沙
埠潮幾吞汲井就何泉種藥何畦繁逍遙深竹間
盡日煩討論長話未及半夕陽照雲根子隨江月
歸遲予叩山樊廚羅菱芋族石掃莓苔痕小逕從
蓬蒿余方辭高軒

懷錢豹叔授經桐中

庭樹日蕭瑟江雲更沉沉夜夢龍眠花不知秋淺
溪美人弄山月隔谿彈玉琴清風谿上來悠然吹

我心我心不可道離居憶春艸青青水上蒲簾幕
籬間棗把酒秋蟬悲閒門葉堪掃時序閱艸木風
物感懷抱願遺紫芝英使我顏色保

月夜懷幼玉長秀江上

月從江上來照我林中露清風與之俱竹香瀉衣
屨蟲襍涼籟喧螢犯樛枝度思君未應眠看月轉
江樹婆娑清景間獨酌自成趣石門秋水香夢遊
吾已屢何當載芳樽共汎芙蓉路

田間雜興

理策赴秋山山遠趣彌殷其中嵐彩積不異城市
氛來往巾帻間知是何峰雲隔谿見艸堂依依散
斜曛禾黍被前坂樹下牛羊羣入門喜僮僕能令
四體勤遙泉上桔槔爨室資斧斤東園花木稠藥
畹次第分泠泠脩竹枝萬葉搖清芬飲此青翠光
使我心顏醺揮手謝時哲吾廬吾已欣山木笑徒
壽餘情何足云

其二

屋前樹榆柳屋後樹松栢匪徒資蔭翳實以延土

脉我居安且和作息俾無敦敦此井竈常力彼塋
圃獲丘麻相歷亂田秫載狼藉鷄鳩日以鳴我心
顧反憚酒滴山廚香衣縫秋雨夕晨起望前山林
楚淨寒碧舉觴集隣老笑言動巾幘薄暮聞田中
遙遙來下澤誰云翟公門鳥雀乃如客

其三

雲厚天色淡秋山帶餘暑鳩弄春巢鳴潤上前楹
礎芒芒荷蓀翁歸來向牛語南湖雨氣白指點約
暘墅婦子各紛紜禾稻安其所散步衡門前悅此

言小八十一
好情緒。暘雨信有徵。動息諳古處。池藻泛羣鴨。林果抱山鼠。物性誰不耽。悠悠莫爲圉。開帙對古人。引杯酌芳醕。松菊繇來佳。吾亦識所侶。

其四

結室面東湖。風來湖水香。隨意采菱舟。負綠洲渚。傍香靜。月色吐清輝。照中堂。澹澹螢火流。泠泠竹露光。絡緯抱花啼。啼聲亦何長。隣女弄秋梭。竟夕燈火張。晚田虞不給。餘布易我糧。聊以贍兒女。非爲成衣裳。感此勞者情。終夜爲徬徨。湖波豈不艷。

菱葉亦以芳刺多泥復深采采中懷傷

月夜同吳幼玉劉長秀泛石門湖便至百子

山庄兼過長秀穀居

秋色湖上好水木清奇餘落日映微波我情將焉
舒閒棹弄明月牽我良友裾香逗浦中菱響接川
上魚流文蕩心目琴樽泛空虛颯颯鳴幽林風吹
前山欄劉郎憶花源余亦懷田居各指雲峰尖帶
經思共鋤山葉接繁影犬吠連溪墟遂偕同舟歡
理策矜筍輿初覺石路狹再轉芝術疎暫憩林竹

光旋造精妙廬藥露滴後院星水靜前渠牛羊卧
秋燈鼯鼠窺殘書復傾林下酌笑言彌睢于還舟
月亦斜雞鳴旦方初塵務豈慮逼所悲良夜除

曉園偶懷前之弟

曙月如纖雲不共秋河沒步起向西園看此興超
忽朝暾接露光鮮采蕩心骨步屣憺忘還誰謂清
景歇秋竹池上閒寒輝夜當發將子抱琴來山樽
共餘蕨

九日詩

微雨空籬獨酌行盡客有過我欣悵交雋

遂爾賦詩

達人貴神適寧爲時所娛耳目踵昔賢千載徒區
區我心抱故常節候如欲無久暄山氣燥涼雨知
爲濡籬圃意方澹蟲鳥音諧蘇家人欣致詞叩我
何所須啓留登纖鱗飯牛有餘餽閒對門前山磬
此籬下壺遠遊無乃勞卽事天雲俱

聞劉起伯談蜀中山水諸勝

閒居罕物役煩暑逼孤想安得弄青雲振衣峨眉

上俯矚紛龍雷賓空謝倪象劉子彼土奇登探副
心賞層霞若蕩胃幽靈亦指掌能先杖屨尋深以
話言獎峰居想像危慮汎烟嵐敞遂令清嘯開炎
齊百泉響

七夕秋情呈 從祖樵川公

夜靜河氣白迢迢星宇晶服箱竟舛停機空復
情若木曙光啓天雞東海鳴俯予何可嘆虛此嘉
會名

其二

雲旗杳難卽長空秋沈寥蜨局視世間蔚薈以蒸
敲隕石旣軫慮騰梭安所饒恒願依天津孤景同
逍遙

平等菴雨宿

晏息向秋窗葉聲蔽山雨夢淺妙香侵宵孤百蟲
侮慮盡復誰在境真安所取紛紛巖戶間微覺天
花吐

將抵采石元甫書至述懷便答

挾此終古情蛾眉禮遙月蕭蕭蒲葦根霜華靜逾

發高天開曙啼初霞飲寒髮江潭霽春雲流澌亦
將歇含睇向晴蓮孤青表山骨石瀨寫幽心林香
歛閒笏將子帶烟蘿霓旌泛超忽

雨泊蕪湖謝羅侍御澹研招飲兼志別情

寒雨滿天地蕭條况孤舟盡此一樽歡爲銷千古
愁芳醕耿華燭雪唱翻輕謳高峙琴書閒靜晒天
雲浮梁肉坐崎嶇世人如此否橫笛弄遙月旅雁
懷烟洲相笑此山川白雲何離憂

梅根治得、人書有感

馮鬱亦何極登栖各有方
雨雪蔽中路鸞驥安得
翔浩浩洪流波泠泠星露光
悵惻不能寐飄風爲
余長抗旌則有霓總珮亦
有芳曄睇復不怕初德
焉可忘

其二

靜理椒蘭心當如歲序何
白日旣晚晚相媚以山
阿亭亭寒木稠冰堅竦其
柯表立妍雲容楊靈寫
微波舉肥無爾賢鹿豕將
媒和寄言蘆中人相期
寐無咍

雨泊泥汭胥懷曹元甫

積雨晦天色空洲寒自生渺然失江海舟楫難爲
情漱流慰閒汲委甸懷芳英孤杯款春醪感念何
能盈

秋夕園居有懷姜侍郎仲詡傳祭酒子京

秋夜不能寐起視星漢高閒知幽獨尊靜惻云動
勞風林驚衆音栖鳥求其曹偶影向園列我思何
切切藥埽寫閒月露坂零長蒿風來隔漱香悠然
吹鬱陶上有芙蓉花下胥鴛鴦翺采之漣漪長執

之無輕舠

瓜埠月下舟行有懷潘木公

澹月寫空水微烟綿夕林于此理閒楫愴然生遠
心臻響蒲葦肅吹寒霜露淫何以役虛無援琴懷
所欽海氣千里白蒼青竦遙岑颯然風雨蟠吐高
而含淡古處不可夷浩思焉能任

同吳仲立張損之周公穆集汪士衡湛閣

久暄霜氣情月白烟冥冥蘿篠飲江色颯然延秋
聲媚以觴咏率賓之池館清冲意理音樂宵視開

檐楹寤鵲察孤光夜定匪一鳴飛星落寒澈潛魚
啜其英觸物忽舒嘆偶影誰能并賴肴樽中香爲
怡千古情

雨中遲木公不至讀其詩

危雨挂疎樹吹葉識何托於茲載客心百端歛寒
閣洲暮惑鳥情藻枯格魚約晤言藉心聲延思向
寥廓偶影孤宵中杯香爲君拓

再答木公詩訊

孰哂元氣薄江山森此材壹稟先民程而持孤鳳

衰寒思削秋碧綺則春雲開曼聲事溝澮吾道行
污萊獨拍稔衆咻善者失所裁有美負鸞情鳩鳩
無敢猜三山表雲容勢與天波廻

殷徵卿自楚中見訪不值旋舟下真州賦此
蓄此芳艸情遙遙美寒汐林間風雨聲霜下雁鴻
夕鳴雞撫空館隨鷗怡海客餘興不可宣復挂東
南席開樽發吟眺援琴寫今昔江海自多感離居
矧形役意至關笑言憂來無羽翮曲終江月高楚
山向君碧

春夜同葉以冲越卓凡先生集卓左車祓園
春疇野煙綠是處聞空香山翠旣虛無月氣殊微
茫奉身入清機耳目非故常向夜竹籟喧栖禽念
歸翔小碧摘園蔬靜御燈下觴哂時睇笑開酌古
離憂長雞鳴桃花源犬吠華子岡夙隱千峰外今
居綺陌傍始悟高士心慮澹景亦荒琴書一念淡
舉世無敢狂余方負遁情憺然托菰蔣時依落花
卧或與孤雲颺君尚選高柯爲余挂蘿裳

余未也招同陳旻昭集烏龍潭賦

潭定水光白諸煙無與爭落花靜可數時聽閒魚
鳴無言酬清機林月悠悠明遂永巖下觴聊憫世
上名杖藜出山扉蘿篠咸有聲歸覺衣屨間空香
爲我盈

其二

余夙枕山窗身心禮寒碧妙香旣氤氲清論復開
坼違此行七年魂夢未能釋潭月與林香茲來宛
仍簪卽事懷天雲故人念荒謫玉樹流春烟叢蘭
冒幽石賴有白社賢開逕代研益

用韵和王計部芥菴脩禊詩

冶城秀春雲河柳日以舒悅此煙中禽關關鳴我
廬含香有俊人清譽騰璫璣間種烏衣花倦枕梁
園書奇服挈芳蓀鮮韵標芙蕖芳醴旣延酌嘉賓
復連裾衆綠醉香光修竹如未徂余方理荒疇百
藥手自鋤永懷蘭亭歡未副柴桑興薰風拂瓊樹
字字來華予脫巾漉松醪整釣翻荷魚何當辟逕
苔旦夕廻高車

行宛溪道上望敬亭有懷玄暉先生

初晴山氣正艸木香未釋宿烟旣展林落英屢沾
幘余夙眷峰霞茲來踐苔石感此景候佳彌悟身
心適敬托孤飛雲寄訊山阿客嶠月洩光儀松風
話疇昔漱齒動寒泉開琴響遙碧皦皦聞清猿庶
幾領三益

主姑孰懷敬亭

夙眷敬亭山茲來發渙省綠谿寫雲木俯見高峰
影朝霞飲虹梁夕月掛狷嶺鳴琴矧多賢泠泠動
花境化行俗以敦質具文彌炳滔滔此何時人和

卽箕穎平野列稠桑溪村樹繁杏誓當負釜春八
口隸烟井祝雞土屋喧飲犢苔泉冷悠然懷古人
真趣遠而靜幽渚洩空香孤雲美鮮景遺身沮溺
儔琴書詎能屏

同以冲少宰潛夫同年雪照恒覺步明月峰
微雨還方丈宿已而霽起看月偶成

雲松蔭野心開此林中步艸暝氣亦和空翠自成
露次第閱歸禽却立饒有悟前峰至餘雨山葉鳴
已屢締衣念當濡遂斂高霞屨薄展茗粥歡悠然

竹房暮

其二

微風吹石髮向夜集山響寄夢高峰間陶然謝心
想覺聞竹露香微度苔花上孤懷遂難持起步矚
蒼莽潭定藻影開月白蟲吟廣山鬼不可思青蘿
洩英爽

過卓凡北窗下偶成

越公負鴻略達時挂卑網謫居滄海隅身恬趣彌
傷茲從執戟暇散髮秦淮上窮巷隱雞聲紅藥綠

增長隨意植梧竹風來比窓響猶愛陰符經焚香
寄心想抱膝視世間煙塵日蒼莽而我閒有餘清
言共欣賞笑矚鍾山雲無心自來往

七言古

招姚康伯光含萬周有邵吳湯日潘次魯家
茲園公長子叔飲俶園

白石何齒齒華星亦桓桓短襦冒重露對酒開長
嘆客從遠方來授我以雲英一服云色好再服令
體輕揮手爲謝客天道焉能明憂從中來擬將如

何身之兕虎手無斧柯扶桑昏昏翳天際精衛罷
啣海波逝公且渡河奈公何亦復誰能長厲揭我
胡爲者枯蓬中五絃方聽彈薰風

其二

元會以還復誰是荷鍾差無落吾事星高夜白傳
樽空悵望糟丘起長喟君不見西山春老薇亦荒
棗花麥秀吹茫茫又不見桐廬之濱一拳石潭靜
煙淡吊寒碧昨日朱顏發華滋今朝清鏡盈霜絲
笑盡一樽苦不足君胡對酒長嗟咨年光如顧人

嗟咨長江應有西北時

讀書佳山水歌爲王水部遂東遙賦

東南懸圃推稽山耆烟聖沼私其間艸木各能雕
日月鱗羽相與驕瀛寰先生覽揆適茲地坐見剡
區泄靈異情至能枯怒壑鳴毫飛特博高霞忌卽
不讀書無不可蒼頡以還具瑣瑣乃其冲意無端
倪讐較參辰及蟲螺小結檐楹就寒碧鴻濛宙合
紛來宅遐綜山海割真靈載遯隣虛脊纖脉隄麋
寸寸研鮮雲呬唔亦掩秋蘭芬閒招山鬼諷明月

詎屑桃花濫世聞
枯梧大笑莊生據
亦恥山廚乞
殘蘋恬從秋水照
吟竄饑向青峰質
危語乃知先
生帝所疎
綠字丹崖許
標槩不將淺籟接
清哦肯
弄凡煙格
玄對我欲從之
何所遺
隰肴苓兮山肴
枝孤舟天地閉
雨雪此興悠悠無盡期

答錢密緯以詩見期

閒雲與飛鳥
客心良可見
擊汰鳴秋花
琴樽意方
晏三山能肴情
流雲滿江甸
碧入空明盡
侯爲遠
遊善山中之人
睇笑長詩來
屢割秋蘭香
水潑開

魚待垂釣野籬扶菊容啣觴窈窕向人青若語更
覺朋從感孤慮星翔露白沙路開夜夜三山延夢
去

東海鵠爲衣文學妻王節婦賦

黃鵠海上來雙雙避繒弋如何大運至中道轉相
失其雄徂落高雲翰雌者絕吭青林端似當持此
告鸞鳳簫酌絃接難爲歡日落波心海山綠腸斷
猶聞杞梁之妻哭終古精魂不可招願下靈風女
貞木吁嗟乎東海鵠

杪秋同李煙客周公穆劉爾敬張損之葉璩

韜劉慧玉宗白集汪中秘士衡寤園

客思秋淡不知處寒吹孤霞滿江樹落帽遙從雨
葉翻空樽笑向林山暮回尋勝槩青門隈陰厓曲
沼參差開雞犬猶嫌傍秦叟芝苓何必窮天台茲
遊磴磳彌有緒觴咏于今益佳侶靜矚能疏潭底
花高吟直擾林端嶼幽情旣暢遊目舒主人敬愛
將焉如水檻迎波還射鴨水盤帶露長炊魚玉簫
金管且爲適此際何從感蕭械歸途冉冉御春煙

花月空江宛然白

豫園別虞學憲來初

秋花潭島紛紛亂
屢日窮遊憺忘返
恬月長栖檜
括陰晚香不輟
茱萸堰主人奇尚逼高旻
霜庭宴客春風生
嬌歌儁舞歡不足
蘭燈還奪九華明
榜人擊鮮出
靈沼蒼頭射雁喧
馳道南庄漁獵何足云
會見西園盛雲藻
秘書遺卷時復親
石牀磻戶無纖塵
世事豈殊看蟻芥
樽前詎忍疎鱸蓴
半嶺遙遙裂金石
長嘯將君謝頭責
莫移雞犬入雲中

令余夢隔仙山碧若有人兮曲之阿卧春星兮蕩
秋波糜蕪綠兮復來此與君坐花下兮歌高歌

江村歌爲王梅和使君五十壽

江村酒熟魚亦肥穡車漁網連江扉老人笛鼓賽
秋社醉騎黃犢風前歸粳秀荷香一千里上世胥
庭如此矣傳來三戶殊未然艸木軍聲咽殘壘蟪
蛄繁響亦不聞用貽之者維使君首藹骨高鈴下
馬梨花手演帳前軍弧矢高懸屈此節繞案文書
省何輟赤羽長規楚澤星綠髮因添貌姑雪四十

九年非自知少時歷落鹽蠹爲雕龍會有神物妬
圍犀不顧妻孥饑乃若永慕慕無斃夢繞西池酒
香碧已從冊府拜花綸更向安期需棗核江鄉戶
戶爭歌舞不祝仙喬祝天姥二十四考歸未遲長
向板輿勞麟脯帆園黃石纍纍然余亦騎魚浮海
煙升堂拜母斟大斗與君萊絲相踰躑

江上東陳元朋

石頭江清楓復殷君胡不住歸舊山片帆雨掛岸
艸濕孤舟月泛滄波閒舒州酒香入江霧蕭蕭石

尤響秋樹丹霞已負荔枝期海門且問蒹葭路吏
部手中多蟹螯步兵廚內開新糟湖海相逢不據
醉雲天長憶空忉忉

得侯木菴南湖秋興詩憶寄

靄靄嵩高雲飛向梁園宿風鳴脩竹枝吹香到江
澳江潭漁父習雙漿蕭蕭曝網蘆花蕩烟中忽墮
霜鴻聲使人夢在南湖上南湖之水碧粼粼主人
秋興詩清新手持蟹螯對樽壘跡隨雁鷺辭風塵
塵沙歛忽成滄海白日蒼茫顏色改軒中笑竹幾

詠懷堂詩

卷之二
四十九

竿存惟有西山月長在月出西山黛色青照君雲
卧當華星雪苑欣同鷗飲啄木天還想鶴儀刑莘
野春深艸花碧不用飯牛歌白石軒冕知君如等
閒好爲蒼生赴前席

漂母祠

繡箴襲黃閑膏梁餒宋鵲當其委頓際纖波蕩鯢
壑嗟哉鳥獸失飛走鷹隼翻遭雉媒誘大鼎饗人
人不食一飯沾脣復何有淮上釣魚長饑寒釣而
不得身亦安雙瞳炯炯誰氏子何者爲猴何者冠

乃知哀哀食進口徒養無雙好身手王孫悔受
人憐亭長應澆老母酒

蕩子從軍行

洛陽城東遍桃李洛陽城中遊俠子彈丸長逐青
門外蹴踘時過綠楊裏青驄油壁矜繁華鴉黃半
臂盤五花金距鬪雞羸大估銀瓶絡酒醉倡家倡
樓婉轉春如海白日青春有時改海西烽火照遼
陽官家赤羽懸相待雕弧寶劍去駢駢功成鵲印
皆黃金健兒自負從軍樂倡婦空爲頭白吟